



UNIVERSITÄTS-
BIBLIOTHEK
PADERBORN

Amt Rendsborger Sagen

Meyer, Gustav Friedrich

Rendsburg, 1925

56. De Stadtnieder

[urn:nbn:de:hbz:466:1-67985](#)

De Stadtsnieder.

De Fockbeker hebbt mal en Krev fungen. „Wat is dat von Deert?“ seggt se, se hebbt em ni kennt. Dq küimmt dar en frömm öwer to. „Dat is de Rendsborger Stadtsnieder“, seggt he, „de kann schön Tüg maken. Künnnt ji de groten Scheern ni sehn?“ Ja, dat künnnt se. Se halt Tüg ran un sett dar den Krev op hen, he schall dat Tüg tosnieden. He will awer ni anfangen to snieden. „He mutt en Stück Kried hebb'n“, seggt de een. Do steft se em en Stück Kried na de een Scheer rin, un de Krev maßt Streken öwer dat Tüg, dwafz un dweer, un nösen schall he tosnieden. Dar is he awer to ful to weß. „Wi möt em helpen“, seggt se, un do snied se op de Streken lant un snied all dat Tüg in Stücken.

De Adbar in 'n Flasch.

De Fockbeker hebbt mal en Adbar in ern Flasch stahn sehn. „O“, seggt se, „he versnirrt uns all den Flasch, wo friegt wi em dar blots wedder rut?“ „Wi möt em op de Bör rutdrägen“, seggt de een. „Ja“, seggt de annern, „dat geiht!“ Do sünd veer Mann mit de Misbör hen weß, twee hebbt vörn anfat un twee achtern, un een is mit de Swept bilank lopen. Se wad na den Flasch rin un wüllt den Adbar na de Bör rophöden un ut den Flasch rutdrägen. Do hebbt se awer noch mehr Flasch dalpedd as de Adbar.

He liest al ut.

Mal hebbt de Fockbeker en Adbarnest op dat Dack hadd, un dar hett so'n schön Gras op wussen. Do hebbt se dar en Öffen roptakelt na dat Dack, de schall dat Gras affreten. Se